

Koj Yuav Tsum Mus Muab Koj Cov Khoom Cuab Yeej Siv Rau Kab Mob Kev Nkeeg Ntawm Lub Chaw Rau Muaj Npe Hauv Medicaid

(You Have to Get Your Medical Equipment From a Medicaid-Enrolled Supplier)

Yam koj yuav tau paub

Pib txij lub Ob Hlis Ntuj tim 1, 2022, Wisconsin Medicaid cov tswv cuab yuav tsum mus muab tag nrho cov khoom cuab yeej siv rau kab mob kev nkeeg uas yog hu ua complex rehabilitation technology (tshuab pab kev mob nyuab kom rov ua tau lub neej) (CRT) ntawm cov lag luam uas rau muaj npe hauv Wisconsin Medicaid tam **lub chaw muab CRT**. Cov chaw muab CRT yog cov kws tshaj lij uas yuav pab muab cov khoom cuab yeej siv rau kab mob kev nkeeg haum zoo tshaj plaws rau koj thiab koj lub neej.

Koj yuav tau mus muab qhov khoom CRT los sis kev kho khoom CRT ntawm lub chaw txawv yav dhau los.

Koj puas muaj khoom CRT?

Yog tias koj tsis paub tseem seb koj qhov khoom cuab yeej siv rau kab mob kev nkeeg puas yog CRT, nug koj lub chaw muab khoom cuab yeej siv rau kab mob kev nkeeg. Qee cov qauv khoom CRT yog:

- Lub rooj muaj log khiav fais fab
- Cov rooj muaj log thawb uas txua haum me nyuam
- Cov pas txheem sawv ntsug (cov txheem nres sawv)
- Cov neeg qhia txav mus kev
- Cov rooj zaum txheem tig cev

Yog tias koj muaj ib yam khoom cuab yeej siv rau kab mob kev nkeeg uas **tsis** xam tias yog CRT, ces cov kev hloov no **tsis** muaj feem xyuam raug koj.

Yog tias koj muaj qhov khoom CRT, tham nrog koj tus kws kho mob los sis lub chaw muab tam sim no.

Yog tias koj muaj qhov khoom CRT, nug koj lub chaw muab khoom tam sim no seb lawv puas yog ib lub chaw rau muaj npe hauv Medicaid muab CRT. Yog tias koj lub chaw muab khoom **tsis** yog ib lub chaw rau muaj npe hauv Medicaid muab CRT, koj yuav tau nrhiav qhov chaw muab uas yog. Wisconsin Medicaid yuav tsis them rau koj qhov khoom cuab yeej tshwj tsis yog muab los ntawm lub chaw rau muaj npe hauv Medicaid muab CRT.

Yog tias koj lub chaw muab khoom yeej yog ib lub chaw rau muaj npe hauv Medicaid muab CRT, koj **tsis** tag yuav tau ua dab tsi ntxiv.

Ntawm no yog qee cov kev rau koj nrhiav ib lub chaw rau muaj npe hauv Medicaid muab CRT.



Nug koj tus kws kho mob los sis lub chaw muab khoom tam sim no kom xa koj mus cuag ib lub chaw muab CRT uas yuav pab tau koj.



Hu rau ForwardHealth Chaw Pab Tswv Cuab ntawm 800-362-3002 los sis koj lub HMO qhov chaw pab tswv cuab kom tau kev pab nrog nrhiav ib lub chaw muab CRT.



TSOM YEES KUV



1. Mus rau [qhov chaw Find a Provider \(Nrhiav Lub Chaw Muab Khoom\)](#), tsom yees tus cim QR nrog lub xov tooj ntse.
2. Nias rau lub yeem Other (Lwm yam) ntawm cov kev xaiv uas teev muaj nram qab Find Care (Nrhiav Kev Tu Xyuas).
3. Siv qhov teev kav rub los ntawm Health Program (Txoj Kev Pab Them Nqi Kho Mob) kom xaiv tau **BadgerCare Plus/Medicaid**.
4. Ntaus **Complex Rehabilitation Technology Supplier (Tshuab Pab Kev Mob Nyuab Kom Rov Ua Tau Lub Neej)** rau ntawm kab Provider Name/Service (Chaw Muab Khoom/Kev Pab Npe).
5. Ntaus koj lub npe zos rau ntawm City (Nroog) los sis ntaus koj tus zauv zip code rau ntawm kab Zip.
6. Siv qhov teev kav rub los ntawm Distance (Ncua Kev Deb) kom xaiv tau qhov kev deb li cas ntawm cov chaw muab CRT.
7. Nias lub yeem **Search (Tshawb Nrhiav)**.
8. Xaiv lub chaw muab CRT ntawm cov tshawb nrhiav tau.

